


NTUNGULUSHI

CHIBEMBA – “Heart Guide”

UMUTIMA WA MUNTU IFYO WABA

“Nkapela kuli imwe umutima upya no kubika munda shenu umupashi upya, nkafumyo mutima we bwe mu mibili yenu no kupela kuli imwe umutima wa munofu” *Esekiele 36:26*. Ilyo ulebelenga akalipepala aka nokusambilila ifikope fya kako, kanshi ukaba uwalinga ukumona umutima obe bwino bwino. Leka ulubuto lwakwa Lesa ukuti lubalike no kufwaya fwaya imibe le ya mutima obe. Suminisha ulubembu lobe lonse kabili wikana iyo, nangu witila tawaba nalubembu, pantu icebo ca kwa Lesa citweba ukuti “Nga tutila, Tatuli na lubembu, tulaipepa, ne cine muli ifwe tamuli. Nga Tuyebelele membu shesu, wene wa cishinka kabili mulungami ukuti atulekelele membu shesu, nokutusangulula kukuulungana konse. *I Yohane 1:8, 9*. Walitekwa na ciwa nalimo na Lesa; iwe uli musha wa lubembu nangu umusha wa kwa Lesa. Nga cakutula ulubembu eluteka nokupingula umweo obe wikana iyo, lelo lilila kuli Lesa. Alekulenga umutungwa mu mwana wakwe Yesu Klistu uwaishile pano isonde ku pususha aba bembu, ukuputula amaka yakwa Ciwa no lubembu pali ifwe. Wene cilubula cesu. Uli ku cinso ca kwa Lesa wa mushilo umona inkama yonse, amatonkanyo yobe yonse aya mu bumfisole ne milimo yonse iya mweo obe. “Pantu amenso yakwe alosha pa mibele ya muntu, ne ntampwilo shakwe shonse alashimona. Takuli mfimfi, kabili takuli ukufita fititi, ukwakubelame nciatubi.” *Yobo 34:21, 22*.



MU CIKOPE CA NTANSHI twamone ifyo, “Umutima wa kufutika ukucile fintu fyonse, kabili walilwalisha; ni ani engawishiba? *Yeremia 17:9*. Ukuti “Icifuma mu muntu, e cikowesho muntu. Pantu mukati, mu mutima wa muntu, e mufuma amatontonkanyo yabipa, ubulalelale, ukwiba, imisoka, ubucende, ulunkumbwa, bubifi, abucenjeshi, bucilende, umupusulo, imiponto, imiya, ukutumpa; ifyabubifi ifi fyonse fifuma mukati e fikowesho muntu.” *Mariko 7:20, 21, 22, 23*.

PIKOKO. Cuni icayemba nganshi icakwata amasako ya kupapa, ayamitundu iyingi, cisonta nangu cilangilila ubupulumushi bwa cilumba. **IMBWA** cisonta nangu cilalangilila ku lunkumbwa lwa bu cende no bulalelale, no bu kowesho bonse. **INKUMBA**. Inkumba isonta kulubembu nangu ku bu pulumushi bwa kukolwakolwa no kukunuka nagu ukubuka no kukana ikuta. **FULWE**. Inama iyi iyenda buce buce isonta ku bupulumushi bwa bulamu, no bwa bumpembampemba no bwa buloshi. **IMBWILI**. Imbwili ni nama ikali iitemwo kulye fya mulopa. Isonta ku bu kali ne cipyu cikalamba no mufimbila nangu ulupato. **INSOKA**. Insoka cisontelela ku bufuba, ubufuba ebulenga abantu ukulowa banabo, ubufuba ebulekanya umwaume no mukashi, no kubonawila icupo. Kabili ne myeo yabo

ukuleka umo epaye umubiye. **ICULA**. Cisonta ku bupulumushi bwa bu mukwindi no bwa kutemwa kwa mpiya ne fyuma ifili li shinte lya bupulumushi bonse *I Timoty 8:10*. **SATANA**. Satana e wishi wa ba kabepa bonse na ba pango bufi. **ULUTANDA**. Ulutanda kuli kampingu uuli mu mutima onse. Mu cikope kuno ali uwafita kabili uwakoweshiwa no bupulumushi ne micitile ya bunkalwe. **ILINSO**. Ilinso lya kwa Lesa lyaliba konse konse kabili limona fyonse ifili ku mutima. Akantu nelyo kamo tekuti kafiswe nangu kabelame ku cinso ca kwa Lesa. **IMINGU SHINONO ISHA MULILO**. Imingu shinono isha mulilo ishileshinguluka ku mutima wa mubi, shisonta ku kutemwa kwa kwa Lesa ukushinguluko mutima ubi. **UMUNGELI NANGU MALAIKA**. Umungeli nangu Malaika asonta kwishiwi lya kwa Lesa. **INKUNDA**. Icuni icanaka kabili icisuma. Ici cisonta ku Mupashi wa mushilo.

ICIKOPE CA CIBILI. Icikope ici cilelango muntu uuletendeka ukulapila no kufwaya Lesa. Kuno nomba atendeko kumfwa icebo ca kwa Lesa no kwisula umutima wakwe ku ku temwa kwa kwa Lesa. Mupashi wa mushilo walabengeshima muntu ali nolubuto lwa kwa Lesa lwaingilamo no kutamfyamo ifikali fyonse ne mfimfi yonse. Malaika naikato lupanga, e cebo ca kwa Lesa, “Ilyaluma




2.

nokutwo kucilo lupanga lonse ulwatwila kubili kubili, kabili lyakutula naku kulekanyo mutima no mupashi ilyalubilo kuteamatontontokanyo na mapange ya mutima.” *Abahebere 4:12*. “Nsambeni bwino-bwino ku mampulu yandi, na kulubembu lwandi nsangululeniko.” Nengeleni umutima uwasanguluka mwe Lesa, No ku bwekeshapo ukulenga mukati ka ine umutima uwashangila.” *Amalumbo 51:1-10*.

ICKOPE CA CITATU. Icikope ici catu la ngako umutima wa muntu uwalapile cine cine. Nomba amona nokwishibo kutila ifibi fyakwe ifyo Yesu atanikilwe fikalamba nganshi, kabili ifyamuselu.” Yehoba aba mupepi na kubaputuke misana, kabili abafunshike mitima alabapususha.” *Amalumbo 34:18*. “No mulopa wakwa Yesu umwana wakwe utusangulula ku lubembu lonse.” *I Yohane 1:7-9*. “Lelo umulanda, uwapetamo mutima, usakamana pa cebo candi, e o nyangwa.” *Yesaya 66:2*. “Pantu ukapusuka nga walumbula ku kanwa kobe auti, Kristu e shikulu, kabili wa tetekela mu mutima, obe, auti, Lesa amubushishe ku bafwa; wala pusuka.” *Abena Roma 10:9*.

ICKOPE CA CINE. Muli ici cikope twamonamo no kumfwa-mo ulwa mwina Klistu uwasanga icibote ci tuntulu no bulubulo kwilambo lyakwa shikuluifwe kabili Umupusushi wesu Yesu Kristu. Kanshi taitacishe muli cimbi kanofye mu capindama ca kwa shikulu




Yesu Klistu, muli wene icalo na citanikwa kuli wene na wene ku calo.” *Abena Galatia 6:14*. Yesu afwile pa ca pindama, pakuti naifwe tube abafwa ku lubembu kabili aba mweo ku bulungami” *I Petro 2:24*. “Tufwile ukwenda mu bulungami kabili mu mupashi, pakuti twikafishapo ulunkumbwa lwa mubili.” *Abena Galatia 5:16*. Kwaliba abantu abengi, abaita abene beka ukuba abena Kristu balaya na ku macalici yabo ku kupepa, balaya na ku cintamba ca mfumu nangu umulalilo, balembe nyimbo shakwa Lesa lelo, ne milimo yabo yabipisha, cine cine bala tanika umupusushi wabokabili. Kuno kabili twamona kumufuko wa ndalama isha kwa Yuda shikalyoti, uwafutwike shikulu Yesu no kumushitisha pa sha silfere ama kumi yatatu. Imisaniko, iminyololo, nefintu ifingi fyalibomfiwe na ba shilikale ilyo balependwisha no kwabana iffwalo fyakwe, ku ba shilikale baikete Yesu bu nkole. *Amalumbo 22:18*. Balibulile ifintu fyonse ukufuma kuli Yesu, lelo umwine bali mukene. Batile, “Tatulefwayo muntu uyu ukututeka. “Awe ifita fya mulashile kwi fumo, fyamulashile mu mbafu kabili na pa mutima “Napo pene pafumine umulopa na menshi.” *Yohane 19:33-37*. “E fyo na imwe mulinge abafwa lubali ku lubembu, kabili aba mweo lubali kuli Lesa muli Yesu Kristu Shikuluifwe. E ico mwileka ulubembu luteke mu mibili

yenu ya mfwa” *Abena Roma 6:11-12*. “Pantu mwalifwile, no mweo wenu wafishilwa pamo na Kristu muli Lesa” *Abena Kolose 3:3*.

ICKOPE CA CISANO. Mu cikopeci twamono mutima wa muntu mubembu nomba wa sangululwa kabili wa shilishiwa. Mubi uwapusushiwa no luse lwa kwa Lesa ulwapulamo. Nomba umutima wakwe waba li Tempele lya cine cine ilya kwa Lesa wa pulamo, umwaikala Lesa wishi, Lesa umwana, Lesa Mupashi wa Mushilo. Ukulingana no bulayo bwa kwa shikulu Yesu Kristu, uwa sosele ukutula, “Ngo muntu antemwa, kuti abaaake cebo candi, na Tata akamutemwa; kabili tukesa kuli wene, no ku cito bwikalo bwesu kuli wene.” *Yohane 1:23*.

Mu cifulo cakuba ica muselu icakwikalamo ulubembu, uyu mutima nomba waba icayemba, icimuti icitwale fisabo, ifisabo, fya mupashi, ifili pamo ngo, ku temwa, ukusekelela, umutende, ukutekanya, icongwe, ubusuma, icishinka, ukunakilila, ukuteko mutima, nafimbi ifsekeshwa Lesa no muntu. *Abena Galatia 5:22-23*

Muli ici cikope twamono kuti umungeli nangu malaika alemoneka na kabili. Ba Malaika balapyungila abapyano mweo wape, no kushinguluka aba ba nakatina ka kuli Lesa. *Amalumbo 34:7*. Ciwa nao alemoneka mu cikope ici naiminina mu pepi no mutima, alelelele inshita iyakuti engile kabili mu mutima umo aleikala kale. E





nga akwinda, ninshi umutima wandi taubekelwa muli wene" *Abu Hebere 10:38*. "Ibukisheni mu ka Loti." *Luka 17:32*.

ICKOPE CA CINELUBALI. Ici cikope cilango mutima wa muntu uwabwelela ku numa, uyo ulubuto lwa kwa Lesa lwalimubengeshimine, uwasondele na ku ca bupe ca ku mulu uwaishibe ne fya Mupashi, lelo alifutaila fyonse no kuwa. Umuntu uwakosha umutima wakwe ilyo Lesa alemupapata ukuti apilibuke, lelo alekulilako mu kucito lubembu mucifulo ca kulapila nokupilibukila kuli Lesa. Yesu umwine asosele nokushinincisha ifyo uwabwelela ku numa enga ba, atile, "Ilyo umupashi uwakowela wafuma mu muntu, wapita mu mpanga umwabula amenshi ulefwayo kutusha. Na pa ku kana sanga, watila, kambwelele ku n'ganda yandi uko nafumine; e lyo pa kwisa, wasanga naipya ngwa no kupulamikwa. E lyo waya bule mipashi imbi cine lubali iyaukila ku bubi,awe yaingila yaikalamo, ne mikalile yakupelekesha ya muntu ulya yabipa ukucile yantanshi!" *Luka 24-26*. Umutumwa Petro alishinincishe palwa uyu mulandu atile, "Caponena bene umwasosele pinda lya cine ilyakutita, Imbwa ipilibukila ku malushi ya iko, na nakapoli uusambilwe abwelele ku kuikunkusha mu ma tipa." *2 Petro 2:22*.

We cibusa, ici cikope nga calingana ne mibele ya mutima obe, ndekupapata we cibusa watemwikwa ukuti, lilila kuli Lesa nomba

linefye, ukufuma kwisamba lya mutima obe. "Ali namaka ya ku pususha na kumpela kwine" "Ubwa lelo nga mwaumfwe shiwi lya-kwe, mwitalamika mitima yenu" *Abena Hebere 4:7*. "Umuntu uwe-baulwaebaulwa no kutalamiko mukoshi, no mutima akapumikishiwo kufunaulwa, no kubulo kupola" *Amapinda 29:1*.

ICKOPE CA CINEKONSEKONSE Ici cikope cilelangililo muntu NKOSA MUTWE umubembu ushisumina, apalama ku miloma ya cilindi camfwa. Imfwa (umusakalala) umwene mu cikope, kabili wishu wa mafupa. Imfwa naifika panshita ashipekenye panshitafye ashilefwaya nangu ukutetekela. Kabili yamulolesha bunkalwe bunkalwe na menso aya kansuka. Imisamwe namangalo yabupulumushi naipita. Kabili amalipilo yakalamba ayabupulumushi ali nokulipilwa. Kabilialeumfwa ku mutima wakwe imisongo nokukalipwa ukukalamba nganshi. Nelyo atila, Mpepe, awe asango kuti Lesa namutaluka alifye ukutali nankwe. Ukucucutika kwa ku Mbonaku mwikatisha mu misongo iyakalipisha. Ba cibusa wakwe abo aleyangala nabo panoisonde abati, tu musansamushe, awe amashiwi yabo tekuti ya mwafwe nangu panono. Impiayi shakwe tekuti shimpusushu iyo. Takuli nangu cimo icinga mulubula ku mfwa. Alepokafye icilambu ca lubembu, pantu akene ukutemwa kwa kwa Lesa pa inshite ntali. "Pantu icilambu ca lubembu nimfwa" *Abena*



Roma 6:23. “Kabili ifyo calingilwa abantu ukufwa limo, necakonkapo ku pingulwa.” *Abaherebere 9:27.* “Kabili pakuba mukulunguluka ku Mbo, ainwine amenso” *Luka 16:19-31.*

ICIKOPE CA PABULA. Ici cikope cilesonta ku mwina Klistu wa cishinka, uuleshipikisha no ku cimfya ukutunkwa nefikali fyonse ifya kwa ciwa na matunko yakwe yonse. Atunkwa konse lelo ashipikisha ukufika na kumfwa yakwe. Ali uwakucimfya no kucila muli Klistu Yesu. Satana na mabumba ya kwe yonse na bamushinguluka, ukwasha ukulufya umwana wa kwa Lesa. Umuntu uyu e kete ulukombo lwa bwalwa mu kuboko kwa kwe lubali, alecinda ukushi nguluka umwina Klistu alefwayo ku mutunka nokumuwishisha mu fyangalo fya muno calo. Awe fyonsefi nakalya nakalya, tafili nansambu ya kucimfyo mwina Klistu waiwela, pamofye ngefintu alitanikwa pamo na Klistu ku Lubembu naku calo.

Ulutanda lwa kwa kapingu wakwe lwabalika bwino. Umufuko wa ndalama waisuka, ulango kuti temutima wakwe weka eo apela kuli Lesa, lelo indalama shakwe shonse nefikwatwa fyakwe fyonsefye, alifipela kuli Lesa.

Umukate ne sabi, flango kuti imibele yakwe yabe yawama, ekala uwabusaka kabili umufuke. Ta ikowesha umwine ku kunwa ubwalwa ubukola. Ibuku ilyaisulwa, lilelangilila Baibolo wa mushilo, e shiwi lya kwa Lesa ilyo atemwa ukubelenga nokufwaishamo ifyabumi, alalibelenga nokusambililamo inshiku shonse. “Nani akatupatulako ku kutemwa kwa kwa Klistu? Bushe bucushi, napamo ku shikitika, napamo kupakaswa, napamo cipowe, napamo bwamba, napamo ku poswa ku bu lwani, napamo lupanga? Iyo, muli ifi fyonse tuli abacimfya abacilamo pamulandu wa watutemwa.” *Abena Roma 8:35-37.* “Onse uuikala muli wene tabembuka.” *I Yohane 3:6-10.*

“Pantu conse icafyalwa kuli Lesa cicimfya ifya panoisonde. No kucimfya pano — isonde ni uku, citetekelo cesu.” *I Yohane 5:4, 5.* “Tuli abacimfya abacilamo ukupitila muli Klistu wa tutemwa.” *Abena Roma 8:37.*




ICIKOPE CE KUMI. Mu Cikope ici ice kumi, twamonamo umuntu waikalilila muli lesa no kwenda na Lesa tatina mfwa nangu ukuba nomweso wamfwa iyo. Iintu inshita ikafika iyakufuma muno calo, akaya uwansansa, umutumwa Paulo atile, “Ine mfuluko kuya nokuba pamo na Klistu, pantu e cawamisha ukucila. *Abena Filipi 1:23.* Shikulu Yesu atacishe atile, “Mu n’ganda ya kwa Tata mwaba apakwikala apengi, Nkesa kabili nokumupokelele kuli ne mwine; ukuti uko ndi e ko naimwe mukabe. *Yohane 14:1-4.* “Ifyo ilinso talyafimwene, nokutwi ta kwafyumfwile, na mumutima wa muntunse tafyaiminemo, fyonse ifyo Lesa apekanishisha abamutemwa.” *I Abena Kolinti 2:9.*

“Balishuka abafwa abafwila muli Shikulu ukufuma kuli nombu. Umupashi wati, ifyo fine, pakuti batushe ku kucucutika kwabo; pantu imilimo yabo ilebakonka.” *Ukusokolola 14:13.*

“Shikulu wakwe atile kuli wena, cisuma, we musha musuma kabili uwacishinka! wabo wacishinka patunono, nka kulasa pafingi. Ingila mu kusekelela kwa kwa sokulu.” *Mateo 25:21.*

NA TUPEPE

Mwe Lesa naisa kuli imwe no mutima wandi wakosa kabili uwa lubembu. Tekuti ngu pilibule. Buleni umutima wandi pamofye nga fintu uli. Lengen muli ine umutima usuma mwe Lesa. Isusheni umutima wandi na Mupashi wenu wa Mushilo kabili no kutemwa kwenu. Amen.



For free Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)